



VANJSKOTRGOVINSKA KOMORA BOSNE I HERCEGOVINE  
СПОЉНОТРГОВИНСКА КОМОРА БОСНЕ И ХЕРЦЕГОВИНЕ  
FOREIGN TRADE CHAMBER OF BOSNIA AND HERZEGOVINA

## URED PREDSJEDNIKA I DOPREDSJEDNIKA

Broj: 01-4-01-4-461-28/2020

Sarajevo, 06.05.2020. godine

### BOSNA I HERCEGOVINA

#### Vijeće ministara

N/r Dr. Zoran Tegeltija, predsjedavajući

#### Ministarstvo finansija i trezora

N/r gdn. Vjekoslav Bevanda, ministar

#### Ministarstvo vanjske trgovine i ekonomskih odnosa

N/r gdn. Staša Košarac, ministar

#### Agencija za javne nabavke

N/r gdn. Đenan Salčin, direktor

Predmet: Inicijativa o produženju Odluke o obaveznoj primjeni preferencijalnog tretmana domaćeg u postupcima javnih nabavki, *dostavlja se*

Poštovani,

S obzirom na tešku ekonomsku situaciju u kojoj se nalazi bosanskohercegovačka privreda, a nakon proglašenja pandemije virusa Covid-19, kao i zahtjeva privrednih subjekata upućenih prema Vanjskotrgovinskoj komori BiH, predlažemo Vijeću ministara Bosne i Hercegovine **Inicijativu za produženje Odluke o obaveznoj primjeni preferencijalnog tretmana domaćeg u postupcima javnih nabavki**, kako bi domaće ponude bosanskohercegovačkih privrednih subjekata prilikom učestvovanja na tenderima za dobivanje poslova na bh. tržištu imale povoljniji tretman u odnosu na inostrane, u smislu umanjenja domaće ponude za preferencijalni faktor domaćeg, u skladu sa članom 67. Zakona o javnim nabavkama ("Službeni glasnik BiH", broj 39/14) i Odluke o obaveznoj primjeni preferencijalnog tretmana domaćeg ("Službeni glasnik BiH", broj 83/16), čija primjena prestaje da važi 01.06.2020. godine.

U prilog našem prijedlogu želimo da istaknemo pozitivne efekte koje je u ranijem periodu imala primjena Odluke u postupcima javnih nabavki u smislu zapošljavanja, ulaganja i razvoja bosanskohercegovačke privrede, sa posebnim osvrtom na metaloprerađivačku, drvoprerađivačku, tekstilnu i poljoprivredno-prehrambenu industriju, kao i na sektor građevinarstva, cestogradnje, telekomunikacija, te uslužnih djelatnosti, u smislu primjene



Branislava Đurđeva 10  
71000 Sarajevo, BiH

Tel.: (+387 33) 566-222, 566-257, 566-253  
Fax: (+387 33) 214-292, 566 258, 566-259

E-mail: [cis@komorabih.ba](mailto:cis@komorabih.ba)  
<http://www.komorabih.ba>



preferencijalnog faktora domaćeg na ponude koje podnose pravne ili fizičke osobe sa sjedištem u Bosni i Hercegovini i koje su registrirane u skladu sa zakonima u Bosni i Hercegovini i kod kojih, u slučaju ugovora o nabavkama roba, **najmanje 50% ukupne vrijednosti od ponuđenih roba imaju porijeklo iz Bosne i Hercegovine, a u slučaju ugovora o uslugama i radovima, najmanje 50% radne snage za izvršenje ugovora su rezidenti iz Bosne i Hercegovine.**

U ranijem periodu, a u cilju zaštite, razvoja i obnove privrede Bosne i Hercegovine, ugovorni organi su bili obavezni, u skladu sa članom 67. Zakona o javnim nabavkama primijeniti preferencijalni tretman prilikom obračuna cijene ponuda, u smislu umanjenja cijene domaćih ponuda za preferencijalni faktor u iznosu od 15% za ugovore koji se dodjeljuju u 2015. i 2016. godini, 10% za ugovore koji se dodjeljuju od 2017. do 2018. godine, i 5% za ugovore koji se dodjeljuju u 2019. godini, te bi prestanak primjene Odluke sa 01.06.2020.godine, a obzirom na prilike uzrokovane pandemijom Covid 19 u kojima se našla bosanskohercegovačka privreda, dodatno izazvalo negativne efekte na polju zapošljavanja i razvoja privrede Bosne i Hercegovine.

Uzimajući u obzir gore navedeno, kao i novonastalu situaciju i vremenski period koji će biti potreban za oporavak domaće privrede, smatramo da će donošenje odluke o produženju Odluke o obaveznoj primjeni preferencijalnog tretmana domaćeg u postupcima javnih nabavki pružiti dodatnu podršku oporavku i razvoju domaće privrede.

Molimo Vas da u prilog ove inicijative prilikom odlučivanja uzmete u obzir i odluke Europske komisije, te odluke država članica koje su također primijenile razne oblike direktne pomoći svojim privrednim društvima sa iznosima koji prevazilaze norme o dozvoljenoj državnoj pomoći i konkurenciji u EU. Obzirom da je ukidanje preferencijalnog statusa za domaće firme u postupcima javnih nabavki obaveza koju BiH ima prema odredbama SSP-a između BiH i EU, smatramo da je u periodu oporavka privrede od posljedica pandemije, naša inicijativa opravdana.

Također, predlažemo da se prilikom zaštite i povećanja konkurentnosti domaće privrede istovremeno poštuje CEFTA Sporazum u smislu jednakog tretmana ponuđača iz zemalja potpisnica ovog Sporazuma.

S poštovanjem,

PREDSJEDNIK  
Dr.sc. Vjekoslav Vuković

